

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-6662-5/22

Datum: 01.11.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19i 39/20), člana 69. stav (1) tačka b) i stav (2) tačka d), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za nabavku fotoaparata za potrebe Uprave policije, imenovane Rješenjem broj: 02/5-1-30-1-5537 od 08.08.2022. godine, u postupku javne nabavke fotoaparata, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O PONIŠTENJU POSTUPKA JAVNE NABAVKE FOTOAPARATA

I

Poništava se postupak javne nabavke fotoaparata za potrebe Uprave policije Ministarstva unutrašnjih poslova Kantona Sarajevo iz razloga što nije pristigla nijedna prihvatljiva ponuda.

II

Ova odluka stupa na snagu danom donošenja, objavit će se na web stranici www.mup.ks.gov.ba i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-6662/22 od 29.09.2022. godine i Obavještenja o nabavci broj: 16475-1-1-45-3-86/22 od 30.09.2022. godine, proveden je otvoreni postupak javne nabavke fotoaparata za potrebe Uprave policije Ministarstva unutrašnjih poslova Kantona Sarajevo, uz primjenu e-aukcije, s namjerom zaključivanja ugovora.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-6662/22 od 21.10.2022. godine.

Prema Zapisniku sa otvaranja ponuda broj: 02-11-4-6662/22 od 21.10.2022. godine za aktivno učešće u postupku dostavljena je ponuda ponuđača FOTO PRINT ŽUNIĆ d.o.o. Tuzla.

Komisija za nabavku fotoaparata za potrebe Uprave policije (u daljem tekstu Komisija) izvršila je pregled i ocjenu dostavljene ponude, te sačinila Zapisnik o pregledu i ocjeni ponuda broj: 02-11-4-6662-4/22 od 28.10.2022. godine, kojim je utvrdila slijedeće:

- da je pristigla jedna ponuda ponuđača FOTO PRINT ŽUNIĆ d.o.o. Tuzla. Ponuda je nepotpuna i ne ispunjava uslove propisane tenderskom dokumentacijom. Naime, u svojoj ponudi ponuđač FOTO PRINT ŽUNIĆ d.o.o. Tuzla, nije postupio u skladu sa tačkom 13.2. (ekonomsko-finansijska sposobnost), uz izjavu iz Aneksa V, kojom se dokazuje ispunjavanje uslova iz člana 47. stav (1) tačka a), nije dostavio i obične kopije dokumenata:

- a) izvještaj o svim računima koje ima privredni subjekat izdat od strane Centralne banke BiH
- b) potvrdu da račun, koji je označen kao glavni račun ponuđača, nije bio blokiran u zadnjih šest mjeseci, izdatu od strane banke.

Ponudač u svojoj ponudi nije dostavio traženi dokaz tehničke i profesionalne sposobnosti iz tačke 13.3. tenderske dokumentacije, a u skladu sa članom 49. Zakona o javnim nabavkama.

Takođe, ponudač FOTO PRINT ŽUNIĆ d.o.o. Tuzla u svojoj ponudi nije dostavio traženi spisak izvršenih ugovora o isporuci roba iz oblasti predmetne nabavke, niti je dostavio najmanje jednu potvrdu koja je u vezi sa spiskom izvršenih ugovora, koju je izdala druga ugovorna strana, čija je minimalna vrijednost 30% procijenjene vrijednosti nabavke.

Dostavljene su: kopije dva ugovora i jedne ispostavljene fakture za isporučenu robu, što nije prihvatljivo jer je u tački 13.3. tenderske dokumentacije navedeno da nije prihvatljivo dostavljanje kopija ugovora umjesto potvrda o izvršenim ugovorima.

U svojoj ponudi ponudač FOTO PRINT ŽUNIĆ d.o.o. Tuzla nije dostavio detaljne tehničke karakteristike ponudene opreme iz kojih se vidi da ista zadovoljava tražene karakteristike iz tenderske dokumentacije, kao ni dokaz o garanciji za opremu (izjava ili drugi dokument), a kako je traženo tačkom 13.5. tenderske dokumentacije.

U skladu sa naprijed navedenim, ponuda ponudača FOTO PRINT ŽUNIĆ d.o.o. Tuzla nije prihvatljiva, te se u skladu sa članom 68. stav (4) tačka i) Zakona o javnim nabavkama odbacuje.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav (1) tačka b) i stav (2) tačka d) Zakona o javnim nabavkama ("Službeni glasnik BiH", broj 39/14 i 59/22), riješeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.



POLICIJSKI KOMESAR
Generalni inspektor policije

Nusret Selimović

Dostaviti:

1. Sektoru za materijalno-finansijske poslove
2. Ponudaču
3. Odjeljenju za odnose s javnošću, radi objave na web stranici ovog organa
4. a/a